

KERATAN AKHBAR

TARIKH : 1 OGOS 2023
AKHBAR : BERITA HARIAN
MUKA SURAT : 25

Pelan peralihan tenaga lonjak agenda kemapanan

Pelan peralihan tenaga lonjak agenda kemapanan

Pelan Hala Tuju Peralihan Tenaga Negara (NETR) yang akan membawa agenda kemapanan Malaysia kepada satu tahap yang baharu, menurut Maybank Investment Bank Bhd (Maybank IB).

Dalam nota penyelidikan pada Isnin, Maybank IB menjelaskan siri khas Invest Malaysia 2023 mengenai NETR telah menyediakan naratif jelas dan laluan yang praktikal ke arah memacu fasa pertumbuhan ekonomi seterusnya dan kemapanan jangka panjang negara, terutama komitmen Malaysia untuk mencapai keneutralan karbon menjelang 2050.

"Pemikiran bersifat transformatif yang menjadi asas NETR mendukung dan mengukuhkan aspirasi kerangka Ekonomi MADANI yang diumumkan baru-baru ini yang menekankan langkah memanfaatkan banyak kelebihan sedia ada Malaysia untuk menjadi peneraju ekonomi Asia, dengan muncul sebagai destinasi pelaburan berdaya saing dan bertaraf dunia," tambahnya.

Menurut Maybank IB, Fasa 1 NETR mengandungi 10 inisiatif utama merangkap pemangkin yang mempunyai jumlah nilai pelaburan di antara RM435 bilion dengan RM1.85 trilion menjelang 2050 serta dengan kapasiti berimpak tinggi.

Contohnya, projek utama zon tenaga boleh baharu bersepadu berskala besar 1 gigawatt (GW) dikuasakan solar dengan usaha sama antara UEM-Intra-mas.

Projek ini akan menjadi yang terbesar di ASEAN dan menarik pelaburan asing RM6 bilion setakat ini, menurutnya.

Selain itu, NETR akan turut membuka gerbang hidrogen di Sarawak, selain menyediakan rangka kerja berkaitan penangkapan, penggunaan dan penyimpanan karbon (CCS), meletakkan asas untuk pembangunan pemacu pertumbuhan Keluaran Dalam Negara Kasar (KDNGK) baharu yang bernilai tambah tinggi.

"Perkara yang patut diberi perhatian ialah penyertaan ke-tara isi rumah di bawah NETR menerusi penawaran peluang pendapatan daripada pajakan bumbung kediaman mereka untuk penajaan tenaga solar," menurutnya.

Maybank IB juga berpandangan inovasi dan pragmatisme ditunjukkan menerusi NETR menepati aspirasi Ekonomi MADANI.

BERNAMA